

KARTA E-PERGJITHESHME E APOSTOLLIT JUDHE

1 ¹ Judha, shërbëtuar i Jisu Krishtit, edhe i vëllaj i Jakovit, mbë të-thërrituritë **që janë** të-shënjtëruarë prej Perëndisë, Atit, edhe të-ruajturë prej Jisu Krishtit; ² Përdëllim, e paqtim, e dashuri, shumoftë mbë ju.

³ Të-dashurë, pasi vë çdo kujdes t'u shkruanj juve për shpëtimin' e-bashkëtë, pata nevojë t'u shkruanj juve, e t'u lutem të luftoni për besënë që udha një herë shënjtorevet. ⁴ Sepse hynë fshehurazi disa njerës, të-cilëtë përpara që moti ishinë shkruarë për ndë këtë dënim, **njerës** të-pabesë, që kthenjënë hirin' e Perëndisë t'ënë ndë ndyrësi, edhe mohonjënë të-vetëminë Zotëri (Perëndinë), edhe Zotinë t'ënë Jisu Krisht.

⁵ Edhe dua t'u bje juve ndër mëntt, ndonëse ju e dini këtë, se Zoti, si shpëtoj llauzinë nga dheu i Egjyptësë, pastaj i humbi ata që nukë besuanë. ⁶ Edhe ata ëngjëjtë që nukë ruajtne gjëndjen' e tyre të-parë, po lanë vëndin' e tyre, i ka ruajturë me të-lidhura të-përjetëshme ndënë errësirë, për gjyqin' e ditës' së-madhe; ⁷ Posi Sodomat' e Gomorratë, edhe **ata** qytetetë rreth atyreve, që udhanë ndë kurvëri pas mënyrës' s'atyreve, edhe vanë prapa t'jateri mishi, janë vënë përpara për shëmbëllesë dyke umunduarë me zjarr të-përjetëshm. ⁸ Gjithashtu edhe këta, dyke parë ëndërë, ndyrinë mishinë, e pushtetinë e bënë për asgjë, edhe ofiqetë i shanjënë. ⁹ Po Mihaili, i-par' i ëngjëjvet, kur dyke luftuarë hahej me djallinë për trupin' e Moisiut, nukë kuxoj të bjerë kundr' ati ndonjë dënim vllasfemie, po tha, Zoti të qërtoftë ty. ¹⁰ Edhe këta për gjërëra që nuk' i dinë flasënë keq; edhe prishenë **mb'**ato që i dinë prej nature, posi shtëzëtë pa mënt. ¹¹ Mjerë ata! sepse ecnë ndë udhët të Kainit, edhe për pagë uderthnë me vrap pas kobimit të Ballaamit, edhe uhumpnë ndë kundrëfjalët të Koreut.

¹² Këta janë këllirëra ndë gostirat të dashurisë s'uaj, kur han' e pinë bashkë **me ju** pa frikë, e kullosënë vetëhen' e tyre; **janë** re pa ujë që bihenë andej e këtej prej erëravet; **janë** drurë vjeshte të-papemshim, dy herë vdekurë, çkulurë nga rrënjëtë; ¹³ Valë deti t'egra që shkumëzonzjënë turpjet' e tyre; yj që bihen' andej e këtej, për të-cilëtë është ruajtur' errësir' e-zezë për gjithë jetënë.

¹⁴ Edhe për këta profitepsi Enohu i-shtatti prej Adhamit, dyke thënë, "Ja tek erdhi Zoti me mijëra prej shënjtorevet të ti, ¹⁵ Që të bënë gjyq përmbi gjithë, edhe të qërtonjë gjithë të-pabesëtë **ndër mest** t'atyreve, për gjithë punërat' e pabesëris' s'atyre që punuanë me pabesëri, edhe për gjithë fjalët' e-ashpëra që fajtorë të-pabesë folnë kundr' ati." ¹⁶ Këta jan' asish që murmurisnjën' e qahenë, dyke ecurë pas dëshërimevet të tyre; edhe goja e atyre flet **fjalë** fort të-trasha, edhe përkëdhelnjënë njerës, që të kenë dobi nga ata.

¹⁷ Po ju, o të-dashurë, sillni ndër mëntt fjalëtë që ufolnë më përpara nga apostojt' e Zotit t'ënë Jisu Krisht, ¹⁸ Se u thoshinë juve, "se ndë kohët të-pastajmë dotë ketë përqeshës që **dot'** ecënjënë pas dëshërimevet të pabesërivevet të tyre."

¹⁹ Këta jan' ata që ndanjënë veç vetëhen' e tyre, posi shtëzë, që s'kanë Frymë.

²⁰ Po ju, o të-dashurë, dyke ndërtuarë vetëhenë t'uaj përmbi besët t'uaj fort të-shënjtëruarë, e dyke falurë me Frymë të-Shënjtëruarë, ²¹ Ruani vetëhenë t'uaj ndë dashurit të Perëndisë, dyke priturë përdëllimin' e Zotit t'ënë Jisu Krisht për jetë të-përjetëshme. ²² Edhe ca i përdëlleni, kur hahenë **me ju**; ²³ Edhe të-tjerë i shpëtoni me frikë, dyke rrëmbyerë **ata** nga zjarri, **edhe** dyke pasurë mëri edhe atë rrobënë që është fëlliqurë nga mishi.

²⁴ Edhe mb'atë që munt t'u ruanjë juve të-pafajm, e t'u qëndronjë juve faqe-bardhë ndë gëzim përpara lavdis' së ti, ²⁵ Mbë të-vetëminë (të-diturë) Perëndi, Shpëtimarinë t'ënë, qoftë lavdi edhe madhëri, fuqi edhe pushtet, edhe tani edhe ndë gjithë jetët të-përjetëshme. Amin.